

Enformaziuns y Comunicaziuns

Oraziun: En vëndres ai 13 d'aorí ales 19:30 vègnel tigní sò Oies na sèra d'enformaziun sòn la vedla forma dla Oraziun dal Chît (www.ruhegebet.de). Referènt é p. Cyrill Greiter OCist (preo a Maran/Untermais). Sc'al é assá porsones enteressades, gnarál ince tigní en picio curs con dui d'atri terminis. Al vèn perié da s'anunzié pa Renate Pescolderung anter i 10 d'aorí, al nr. 338/1300787, ince sce an ó ma tò pert ala sèra d'enformaziun.

Oies: En sabeda ai 14 d'aorí ales 14:00 vègnel celebré sò Oies na mëssa por families con familiars atochês da handicap. Düc é bel enviês da tò pert.

Conzert Le Cor Mosaic - Singers & Players envièia dèr bel a so conzert sot al titul "En monn de soms - usc fines se lascia aldí". Le conzert vèn tigní en sabeda ai 14 d'aorí ales 20:00, te salff dles manifestaziuns. Düc é dèr bel enviês.

Sorvisc ai Jogn: Le Sorvisc ai Jogn lascia alessèi che atló Al Plan vègnel ciamó motù lapró n'edema dal Isté Deboriada. dao 6 ai 10 d'agost. Iscriziuns te Sorvisc ai Jogn al numer 0474/523070.

KVW Senioreclub: En dedemesaledema ai 11 d'aorí ales 15:00 s'encuntun tal salff dla Raiffeisen. Al roará adalersch Hermann Pirpamer, co dèida tal Kenia, a tigní en referat sora l'Africa.

Zënter Families: En vëndres ai 20 d'aorí dales 9:30 ales 11:30 vègnel tigní te local dal ZFM en curs da porté i picci. Al gnará mostré deplü poscibilités, por ciafé fora ci co vá le miú por oma y môt. Al gnará ince insegné tecniches da porté con la peza. Le curs é limité a 4 porsones. Enformaziuns y prenotaziuns pa Sofia al 338/7173577.

Curs: Ai 16 d'aorí mèt man en curs de pilates con Karin Taibon. Al vèn tigní endöt 10 iadi, vigne lönesc y jöbia ales 9:00 danmisdé, te salff dla Raiffeisen. Por iscriziuns telefoné a Karin al 329/2223634.

Raiun Sozial: En jöbia ai 12 d'aorí dales 15:30 ales 17:30 s'encunta te raiun sozial le grup "Atmosfera", por porsones atocades da problems psichics, acompagné da Irina Tavella y Barbara Rungger. Enformaziuns ciafun pa Sabine Rainer al 0474/524519.



Gejú á dit: „Chi co creï te me, vir ince sce ai mör!“

La comunité d'Al Plan tol comié da

Anselmo Ferdigg mort al'eté de 77 agn.

Ai familiars les condolanzes plü sontides. Che al pálsi tla pêsc.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploian: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

08.04.2018 - 2a domègna de Pasca - Domègna Biancia

nr. 19

Mio Signur y mio Dio!

Dal Vagnele do San Jan 20, 19-31

Tomesc, nominé Didimus (jomelin), önn dai dodesc, n'ea nia pa d'èi, canche Gejú ea gnü. ²⁵I atri discepu ti á spo dit: I án odü le Signur. Al ti á rospognü: Sc'i ne vèighi nia les ferides dai agüs te söes mans y sc'i ne pó nia mëter mio dèit tal büsc dai agüs y mia man te so piet, ne creïi nia. ²⁶Otedé dedò ea sù discepu endò abinês adöm, y Tomesc ea lapró. Danló é gnü Gejú - les portes ea sarades pro - é jü amesa èi ete y á dit: Pêsc a os! ²⁷Spo ti ál dit a Tomesc: Tin ca to dèit - atló é mies mans! Tin ca töa man y mètela te mio piet, y no ester descherdont, mo cherdont. ²⁸Tomesc ti á rospognü: Mio Signur y mio Dio! Gejú ti á dit: Deache te m'as odü, creïeste. Beac é chi co ne vèiga nia y creï empó. **Parora dal Signur. - Lalt a te, Gejú Crist!**

I meditun la Parora

Gejú á tres pa d'èl i segni de sù patimonc. Ai é por nos en invit da medité la grandèza de so amur y creïe te èl. Le ponsier de Tomèsc é öna dles plü beles espresciuns de amur y de fede tai confrunc de Gejú. Dijun ince nos con sonzierité te nosc cör: Mio Signur y mio Dio!

I periun ensciö

Póii, Signur, aziché töes mans? Póii mëter i dèic te to piet? Na, sce i mini da le fá desco Tomèsc. Poa, sce i n'á nia tème da mo mëter pormez ales soferonzes de tan de jont co vir encèr me ia. I sun jonn, Signur, i ne pó nia fá trep. Mo scinchemo en cör y na mont daverc y a desposiziun. Fá ch'i ne mo tiri nia zoruch, por superfizialité y egoism, canche al é da daidé zacai. Sc'i ti vá pormez a chi co á debojügn, te vègni pormez a te, y te cöstes porsones ái la poscibilité da ciafé to ester y töa presonza. *(Da Parola Amica - W. Cazzaniga)*

Le coraje de Tomèsc



Tomèsc mo plej. Deache al dubitèia y le dá pro, al dubitèia y damana dô. Al ne tol nia por bun döt ci co ti vèn cunté, mo le conscidra con edl critich. Da fá cösc ôl ester coraje. Al é bun sce an se fej ponsiers söla fede y la mèt en discuciun. Al é sègno de enteres, co la dèida crèsce y madorí.

Domëgna: 08.04.2018: Domëgna Blanca – Dominica in Albis



- 9.30:** Corona por +nc'
Anselmo Ferdigg, Emma Taibon, Angela Terrabona
- 10.00:** S.M. pro popolo por dōta la Ploania
2. Requiem por +nt Anselmo Ferdigg
3. Requiem por +nta Angela Terrabona
3. Requiem por +nta Emma Taibon
- 13.30:** Funziun dal Bato: Ginevra Casnati
- 18.00:** S.M. por +nt Leimegger Hans, Hotel Condor
S.M. ad int. dla Fam. Erardi Oswald y Christine
S.M. por +nt Giuseppe D'Amico
S.M. aniv. por +nt Mutschlechner Peterle, Longega

Lön.09.04.: Anunziaziun dal Agno a Santa Maria, Sa.Waltrud

- 7.30:** S.M. por +nc' Burchia Judita y Heinrich, de Brüscia
S.M. por +nc' Canzio y Tille Comploi, de Mano
S.M. por +nt Silvio Taibon, Lé dla Crêda

Dédol.10.04: Feria dla 2. edema de Pasca: S.Engelbert, S.Eberwin

- 19.30:** Corona de rengraziamont por la bona saison

Dédem 11.04: S.Stanislaus B.M.: S.Reiner, Sa.Gemma

- 18.00:** S.M. por +nt Tamers Carlo de Burchia
S.M. por vís y +nc' dles Fam. Comploi, Mena y Tavella
S.M. por +nc' Modena Carola y Vallotta Giuseppe
S.M. por +nt Domenico Battisti

Jöbia 12.04: Feria dla 2. edema de Pasca: S.Zeno, Sa.Herta

Vijita personala te dlijia y cortina

Vëndr.13.04: Feria dla 2. edema de Pasca: S.Martin I,P. y M.

- 7.10** S.M. por i scolari
S.M. por +nc' Erlacher da Torpei
S.M. por +nc' dla Fam. Hilda Castlunger, Grones
S.M. por les Püres Animes

Sab.14.04: Ora de oraziun Santa Maria in sabato tempore paschalis: Sa.Lidwina

- 10.00:** Funziun dal Bato: Monika Mayr

17.00: Poscibilitè da se pissié

- 18.00** S.M. aniv. por +nt Tone Ties dal Nora
S.M. por +nta Clara Maria
S.M. por +nt Enrico Bratti

Dom.15.04: Ill. Domëgna de Pasca: S.Pater Damian de Vester

Oferta por i bojügnis dla Ploania

- 8.30:** S.M. a La Pli

9.30: Funziun dla domëgna: tomp de Pasca


10.00: S.M. pro popolo por dōta la Ploania

N.B. Ales 18.00 plü degüna S.M. incina ai pröms de messé



Da ponsé do Ressorenziun

Léa endô sö canche zacai t'á umilié, canche zacai t'á dramé, canche te soutes tradí - ince cösc é ressorenziun. Léa endô sö canche te mines che ara ne vais nia plö, canche t'es abatü, canche t'es gnü metü sön la crusc - ince cösc é ressorenziun. Léa endô sö canche i problems encèria te druca jö, canche döt te fej gní le va, canche te soutes a tera desdrüt - ince cösc é ressorenziun. Èl é ressorí, do che an l'â arbandoné, embaní, vonü, torturé, motü sön la crusc y copé. Ressorís nanter le popul: Gejú, Gandhi, Martin Luther King, Romero ... Y con èi l'opoziziun cuntra vigne mort.



Odèi y crèie

I vèighi ma na picia creatöra, co adora aiüt - y empó crèii, che cösta vita pois se svilupé, ciafii so compit tla vita, pois iradié ligrèza. I vèighi ma en picio müs raiont - y empó crèii, che la creatöra sides encontonta da podèi ciafé proteziun. I vèighi da me enstèssa, ci che al ó dí che mi geniturs , mi maestri, mi compagns á cherdü te me da empröma ensö. Ai á odü le bun danfora, denant che iu fajess mies esperionzes de vita. Ci che nos odun, é en envit, da ciaré plö ennant; da odèi de plö de ci che an vèigh al momont. Nosta fede vá dal'esteriorité tal sot, tla profundité. I mo ralegrèii a cösc odèi y crèie. Y i sun reconoscionta. (na mama)

Ponsier dla Domëgna

Aspiré a trep savèi, ó sot sot ince dí: chirí en significat tla vita. (Rudolf Margolius)

Sorvisc dai Ministronc

Lönesc 09/04 (10:00h), Dédemesaledema 11/04 (18:00h), Vëndres 13/04 (07:10h): Anna y Luca Clara;

Sabeda 14/04 (18:00h): Giada y Ginevra Regis, Claudia y Susan Kaneider, Chantal Feichter, Lucy Call;

Domëgna 15/04 Pasca (10:00h): Moltina Clara, Lara Fappani, Matteo Huber, Elisa y Emanuel Frenademetz, Michael Leimegger;

N. B.: Düc i ministronc é entres begnodüs da gní a sorví, ince sce ai n'é nia scric sö!

